

# Китдин олн-ämtнä культурут ик чинртä төр

ПЕКИН, декабрин 11. (ТАСС). КНР-н государственн Советин зааврар, Китд келнä фонетическ үзгүдин проект болн терүнä цäялгъер барлгдсн бääнä.

Тер проектиг Олн-ämtнä политическ консультативн Советин цуг китдин Комитетин бюро, олн улс орлцлгъта заседань деерән хäläдж күүндвр кегъад, Олн-ämtнä элчирин цуг Китдин хургин сессийд батлхд ода орулдж өгсн бääнä. Батлгдсна хöөн, фонетическ алфавитиг багшнр сургългъна заведенъсär, эклц болн дундин школмудар, бөдүчүдин школмудар, ликбезд, дектр барллгъна тöрт улм-улм икär олзлдг болхмн.

Китд олн-ämtнä культурут ик чинртä эн тöрт эндр китдин газетмүд цугъар нүр

статьясан нерäдцхäдж. Китдин олн-ämtнä гол-цутхлнть „путунхуа“ гидг келиг олнд тархадж, öдгä цагин литературн келиг школд заалгъиг ясрулхд, олн-ämtн бичг меддгог уурулхд, тер мет бас багъ келн-ämtст китд келдасхкд, эднä эврәннь бичг үүдäдж гаргъхд фонетическ үзгүдин проект ик чинртä гидж бар темдглдж бичджәнä.

Фонетическ үзгүд латинск фонетическ системин ул деер сольвр кегдджәнä, эн—китд бичгиг онъгдарулдж сольвр на нег эрки чинртä девснъгнь болджанä гидж газетмүд зааджацхана. Шин үзгүдин туск проект гаргъхин öмн, урднь олзлгдджасн темдгүдиг (иероглифсиг) болн тедниг бичлгъиг амрдулхин туст белдврин ик гидг кöдлмш кегдв.